



## Publicaziuns dalla vischnaunca, jamna 22

### Damondas da baghegiar

#### 2020-1023.000

##### Datum dalla publicaziun: 29 da matg

La patruna: Vischnaunca Disentis/Mustér, Via Cons 2, 7180 Disentis/Mustér

Il representant: IPZ inschigniers e planisaders sa, Via Lucmagn 7, 7180 Disentis/Mustér

Object: Spazzar il plazzal dallas suschnas da rimnar rumien e postar treis molocs novs, parcella 2293, Via Acletta, 7180 Disentis/Mustér

#### 2020-1024.000

##### Datum dalla publicaziun: 29 da matg

Ils patruns: Pirmin e Helena Lozza-Camathias, Via Sontget 11, 7180 Disentis/Mustér

Object: Construcziun nova d'ina suosta tiel plaz da seser tier igl edificci nr. 8L, parcella 1006, Via Sontget 11, 7180 Disentis/Mustér

### Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 29 da matg 2020

*Uffeci da baghegiar Disentis/Mustér*

---

### Lubientscha da baghegiar

L'istanza da baghegiar ha concediu suandonta lubientscha da baghegiar:

#### Nr. 2018-1050.000

Bergbahnen Disentis AG, Via Acletta 2, Postfach 88, 7180 Disentis/Mustér: retratga d'aua ord il dutg a Gendusas Dadens, parcella 959, 7180 Disentis/Mustér.  
Disentis/Mustér, ils 29 da matg 2020

*Uffeci da baghegiar Disentis/Mustér*

---

### Annunzias da baghegiar

All'istanza da baghegiar ein sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

#### Nr. 2020-2042.000

Vischnaunca Disentis/Mustér, Via Cons 2, 7180 Disentis/Mustér: inscripziuns da giugs sin las surfatschas diras digl areal da scola Cons, parcella 959, Via da Scola 5, 7180 Disentis/Mustér.

#### Nr. 2020-2065.000

Prisca Condrau, Im Bungert 4, 8955 Oetwil an der Limmat: remplazzar la seiv da lenn, parcella 915, Via Sontget 2, 7180 Disentis/Mustér.

#### Nr. 2020-2066.000

Christian Schuoler-Müller, Via Veier 4, 7180 Disentis/Mustér: remplazzament dallas plattas da betun entuorn casa, parcella 983, Via Veier 4, 7180 Disentis/Mustér.



**Nr. 2020-2067.000**

Linus Jacomet, Via Crestas 20, 7183 Mumpé Medel: remplazzament dalla seiv, parcella 2199, Via Crestas 1, 7183 Mumpé Medel.

**Nr. 2020-2068.000**

Silvio Candinas, Via Vallars 12, 7186 Segnas: adattaziun dil plaz da seser, remplazzament dalla portagarascha ed entginas lavurs da manteniment vid la fatschada digl edifeci nr. 320C, parcella 2234, Via Vallars 12, 7186 Segnas.

**Nr. 2020-2069.000**

Repower AG, Via Santeri 74, 7130 Ilanz: sanaziun dalla reit NS Segnas, parcelas 107/108, Via Foppas 24, 7186 Segnas.

**Nr. 2020-2071.000**

Swisscom AG, Postfach 570, 7001 Chur: Lavurs da manteniment vid la reit da cabel, parcella 550, Via Clis, 7180 Disentis/Mustér.

Encunter quellas decisiuns san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 29 da matg 2020

*Uffeci da baghegiar Disentis/Mustér*

---

## Cussegl da vischnaunca

Il cussegl da vischnaunca seraduna **venderdis, ils 5 da zercladur 2020**, allas 20.15 en halla da tennis dil Center da sport e cultura.

Muort il coronavirus ei la seduta buca publica. Per tuttina dar la pusseivladad da suandar la debatta enteifer il parlament communal, vegn la seduta emessa directamein via live-streaming. Il link leutier ei d'anflar sin [www.centerdasport.com](http://www.centerdasport.com).

### Tractandas:

1. Protocol 26-2017/2020
2. Center Fontauna – Innovaziun, amplificaziun ed engrondiment complessiv: Project e credit general per l'emprema etappa (messadi nr. 44-2017/2020)
3. Cumissiun Disentiser Card: Dissoluziun (messadi nr. 45-2017/2020)
4. Ura da damondas (conform ad art. 44 dil regulativ da fatschentas)

*Il president dil cussegl da vischnaunca*

---

## Aboliziun dil scamond general da far fiug el liber dils 24-3-2020

Las precipitaziuns dallas davosas jamnas han gidau a sminuir la schetgadat ed aschia a reducir il prighel d'incendis d'uau e da cultira egl entir cantun. Plinavon ha la rata d'infecziuns dil coronavirus saviu vegnir sbassada marcantamein. Per quels motifs ha la regenza dil cantun Grischun decidiu dad **abolir naven dils 20 da matg 2020 il scamond absolut da far fiug el liber**. Nus engraziein per la buna disciplina durant il scamond da far fiug. En cass d'incendis ei adina da telefonar alla numera **118**.

*Suprastanza communal Disentis/Mustér*

---

## Aufhebung des generellen Feuerverbots im Freien vom 24.3.2020

Die Niederschläge der letzten Wochen haben zu einer Verminderung der Trockenheit und damit zu einer Reduzierung der Wald- und Flurbrandgefahr beigetragen. Zudem konnte die Coronavirus-Infektionsrate



markant gesenkt werden. Aus diesen Gründen hat die Regierung des Kantons Graubünden entschieden, **das generelle Feuerverbot im Freien per 20. Mai 2020 aufzuheben**. Im Umgang mit Feuer im Freien ist nach wie vor grosse Vorsicht angebracht. Raucherwaren und Feuerzeuge dürfen keinesfalls sorglos weggeworfen werden. Grillfeuer darf nur in bestehenden Feuerstellen entfacht werden. Im Brandfall ist unverzüglich die Feuerwehr über die Notfallnummer **118** zu alarmieren. Die aktuelle Waldbrandgefahrenkarte kann auf der Internetseite des Kantons Graubünden [www.waldbrandgefahr.gr.ch](http://www.waldbrandgefahr.gr.ch) aufgerufen werden.

*Gemeindevorstand Disentis/Mustér*

---

### **Administraziun communal**

Muort il firau da **gliendisdis Tschuncheismas, igl 1. da zercladur 2020**, resta l'administraziun communal **serrada quei di**.

Bien engraziament per Vossa capientscha.

*Administraziun communal*

---

### **Dumbraziun dallas habitaziuns vitas**

Igl uffeci federal da statistica meina puspei atras ina dumbraziun dallas habitaziuns vitas. Possessurs da casas ni administraziuns d'immobiglias che han pigl 1. da zercladur 2020 habitaziuns ni casas d'ina famiglia vitas ein obligai da comunicar quei per tel. 081 920 36 36 ni a scret all'administraziun communal entochen sil pli tard ils **5 da zercladur 2020**.

Sco habitaziuns vitas el senn da quella dumbraziun vegnan quintadas tut las habitaziuns mobigliadas ni buca mobigliadas, las qualas adempleschan las suandontas duas cundiziuns:

- habitaziuns ni casas d'ina famiglia ch'ein pil di da controlla (1-6-2020) vitas, denton habitablas e
- ch'ein pil di da controlla (1-6-2020) screttas ora per schar a tscheins permanentamein per minimalmein treis meins ni venalas.

Nus engraziein per la cooperaziun.

*Administraziun communal*

---

### **Meglieraziun generala da Disentis/Mustér**

#### **Vischnancas da Disentis/Mustér, Sumvitg e Tujetsch**

#### **Exposiziun publica dal possess vegl e da la bonitaziun (stimaziun dal terren)**

Sa basond sin l'art. 38 da la Lescha da meglieraziun dal chantun Grischun (LMG; DG 915.100) vegn exponì publicamain il possess vegl e la bonitaziun (stimaziun dal terren).

#### **Actas d'exposiziun:**

##### **Possess vegl:**

- partiziun dal fegl da las servituts, 1:25 000
- plan da las servituts nr. DB1–DB7, 1:2500
- glista da las parcelas e glista da las proprietarias e dals proprietaris
- glista da las servituts, da las prenotaziuns e da las remartgas per il perimeter senza intruducziun dal cudisch funsil federal

##### **Bonitaziun:**

- partiziun dal fegl 1:25 000
- plans da la bonitaziun nr. 1–34, 1:1000
- cedel da proprietad, possess vegl

#### **Lieu d'exposiziun:**

Anteriusas localitads Coop, Via Alpsu 10, 7180 Disentis/Mustér



**Durada da l'exposiziun:**

da **venderdi, ils 29 da matg, fin glindesdi, ils 29 da zercladur 2020**, mintgamai ils lavurdis da las 13.30 fin las 17.00

**Infurmaziuns:**

Il parsura da la cumissiun da stimaziun e l'inschigner executur stattan a disposiziun mesjamna, ils 10 da zercladur 2020, da las 15.00 fin las 17.30 e venderdi, ils 19 da zercladur 2020, da las 14.00 fin las 16.00, en il local d'exposiziun per dar infurmaziuns.

**Legitimaziun da far protesta:**

Il dretg da far protesta ha tgi ch'è pertutgà da las actas d'exposiziun e po far valair in interess degn da vegnir protegì per abolir u per midar questas actas.

**Protestas:**

Protestas cunter il possess vegl, las valurs da la bonitaziun (stimaziun dal terren) e cunter ils cunfins da la bonitaziun ston vegnir inoltradas en scrit e cun ina **motivaziun fin il pli tard glindesdi, ils 29 da zercladur 2020** (data dal bul postal), al parsura da la cumissiun da stimaziun da la meglieraziun generala da Disentis/Mustér, signur Gionin Caduff, Vattiz 11, 7146 Vattiz. Il cedel da proprietad cun la calculaziun da la valur da la bonitaziun ed ina copia dal text da publicaziun qua avant maun vegnan consegnads a las proprietarias ed als proprietaris da bains immobigliars avant il cumenzament da l'exposiziun. Mintga proprietaria e mintga proprietari da bains immobigliars en il territori cumpiglià da la meglieraziun generala da Disentis/Mustér ha il dretg da far protesta er cunter la bonitaziun da funs che n'è betg en sia proprietad. **En cas d'exposiziuns posteriuras n'èn protestas cunter la bonitaziun (stimaziun dal terren) betg pli pussaivlas.**

*Uffizi d'agricultura e da geoinfurmaziun  
Daniel Buschauer*

---

**Gesamtmelioration Disentis/Mustér**

**Gemeinden Disentis/Mustér, Sumvitg und Tujetsch**

**Öffentliche Auflage des alten Bestands und der Bonitierung (Bodenschätzung)**

Gestützt auf Art. 38 des Meliorationsgesetzes des Kantons Graubünden (MelG; BR 915.100) wird der alte Bestand und die Bonitierung (Bodenschätzung) der Gesamtmelioration Disentis/Mustér öffentlich aufgelegt.

**Auflageakten:**

**alter Bestand:**

- Blatteinteilung Dienstbarkeiten, 1:25 000
- Pläne Dienstbarkeiten Nr. DB1–DB7, 1:2500
- Parzellen- und Eigentümerverzeichnis alter Bestand
- Verzeichnis der Dienstbarkeiten, Vormerkungen und Anmerkungen für den Perimeter ohne eingeführtes eidgenössisches Grundbuchsystem

**Bonitierung:**

- Blatteinteilung Bonitierung 1:25 000
- Pläne Bonitierung Nr. 1–34, 1:1000
- Güterzettel alter Bestand mit Wertberechnung

**Auflageort:**

Ehemalige Lokalitäten Coop, Via Alpsu 10, 7180 Disentis/Mustér

**Auflagedauer:**

von **Freitag, 29. Mai, bis Montag 29. Juni 2020**, jeweils werktags von 13.30 bis 17 Uhr

**Auskünfte:**

Der Obmann der Schätzungskommission und der ausführende Ingenieur stehen am Mittwoch, 10. Juni 2020, von 15 bis 17.30 Uhr, und am Freitag, 19. Juni 2020, von 14 bis 16 Uhr, im Auflagelokal für Auskünfte zur Verfügung.



**Einsprachelegitimation:**

Zur Einsprache ist berechtigt, wer von den Auflageakten berührt ist und ein schutzwürdiges Interesse an deren Aufhebung oder Änderung geltend machen kann.

**Einsprachen:**

Einsprachen gegen den alten Bestand und die Bonitierung sind bis **spätestens 29. Juni 2020** (Datum des Poststempels), schriftlich und begründet an den Obmann der Schätzungskommission der Gesamtmelioration Disentis/Mustér, Herrn Gionin Caduff, Vattiz 11, 7146 Vattiz, zu richten. Auf Einsprachen bezüglich Vermarktung und Vermessung inkl. Parzellenfläche kann nicht eingetreten werden.

Der Güterzettel mit Wertberechnung und eine Abschrift des vorliegenden Publikationstexts werden den Grundeigentümern/-innen vor Beginn der Auflage zugestellt.

Jede/r Grundeigentümer/in im Bezugsgebiet der Gesamtmelioration Disentis/Mustér ist berechtigt, auch Einsprachen gegen die Bonitierung von Boden, der nicht in seinem Eigentum ist, zu erheben. **Bei späteren Auflagen sind Einsprachen gegen die Bonitierung nicht mehr möglich.**

*Amt für Landwirtschaft und Geoinformation  
Daniel Buschauer*

---

**Cuors da romontsch per affons da 3–5 onns da lungatg jester**

Liug dil cuors: Disentis/Mustér

Di dil cuors: mintgamai la mesjamna

Temps: 8.00–8.50

Datum: **16 da settember 2020 entochen il zercladur 2021** (cun excepziun dallas vacanzas da scola)

Menadra dil  
cuors ed

informaziuns: Andrea Schmed, Disentis/Mustér (079 430 03 72)

Cuosts: Contribuziun dils geniturs frs. 160.– incl. material (frs. 5.– per lecziun)

Annunzia: Entochen ils 12 da zercladur 2020 sut admin@disentis.ch ni 081 920 36 36

Quei cuors vegn sustenius dalla vischnaunca da Mustér. Il cuors vegn menaus enteifer il project «Wunderfitz e Redebnitz» ([www.wunderfitzundredelblitz.ch](http://www.wunderfitzundredelblitz.ch)).

*Departament da sanadad, scolaziun, cultura e sport  
Geraua Jris Lombris*

---

**Nossa scola populara Mustér**

**Decisiun davart cuoz dallas vacanzas da primavera naven digl onn da scola 2021/22**

**Vacanzas da primavera (onn da scola 2021/22)**

En consequenza dalla nova lescha da scola e dall'introducziun dil plan d'instrucziun 21 vegn il temps da scola augmentaus per ina jamna naven da 38 sin 39 jamnas a partir digl onn da scola 2021/22. Sin fundament da quella prolungaziun dil temps da scola ha Nossa scola populara lantschau ina retschera davart il meini dils geniturs pertuccont las vacanzas da primavera. Sin fundament dils resultats ha il cussegl da scola decidu ils **5 da matg 2020** da far naven digl onn da scola 2021/22 ina jamna vacanzas da primavera.

*Nossa scola populara Mustér*

---

**Rimnada da pupi**

**Venderdis, ils 12-6-2020**

Preziadas convischinas, preziai convischins. Cun la midada dallas mesiras per cumbatter il coronavirus (Covid-19) ei ina rimnada da pupi puspei pusseivla.



**Adatg! Ei vegn mo rimnau gasettas, illustradas, catalogs, cudischs e prospects stampai.**

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora, e quei las mesjamnas (16.00–17.30) e sondas (10.00–12.00) e buca duront la rimnada. Bien engraziament per Vies agid e sustegn!

*Nossa scola populara Mustér, Ch. Berger*

---

**Onn da scola 2020/21**

**Uris e transports**

Preziai geniturs, cars affons. Ils uraris da scola ed igl urari dils transports pil proxim onn da scola 2020/21 anfleis Vus sin [www.scoladisentis.ch](http://www.scoladisentis.ch).

Jeu supplicheschel tuts affons da Segnas, Buretsch e Cuoz **dalla emprema scoletta 2020/21** da s'annunziar cun ina nova foto da portret alla staziun da Mustér pigl abbonament dalla MGB (niev sistem dad abo cun il SwissPass).

Nus engraziein a Vus cordialmein per la fetg buna collaboraziun e Vies grondius sustegn duront igl onn da scola che va alla fin e ch'ei dapi il mars staus pretensius ed extraordinaris. Nus giavischein a Vus bialas vacanzas da stad. Cordials salids e sin bien seveser

*Nossa scola populara Mustér*

---

**Uniun da Kneipp Surselva**

**Di da Kneipp cun jarvas a Mulinatsch/Kneippkräutertag in Mulinatsch**

**Gievgia, ils 4-6-2020** allas 9.45 a Dieni tier las pendicularas da Sedrun. Nus rimnein jarvas e fagein ina buna suppa. Prendi cun in picnic. Cuoza ca. 3–4 uras. Fagei aschi bien e s'annunziei tier Ruth Monn tochen mesjamna sera, 081 949 17 20.

Nus selegrein sin stedia participaziun.

---

**Uniun da catschadurs Péz Alpetta – salvament d'anseuls**

**Preziai purs**

Uss ei il temps che las cauras-cavriel fan ansiel. Stedi sesanflan ellas cun lur anseuls en praus che vegnan segai. Aschia vegnan mintg'onn anseuls per la veta entras maschinas da segar. Cun pign engaschi san ins evitar quei. Purs che fan fein en loghens nua che cavreuls setegnan si, ein supplicai da s'annunziar tier nus in di avon che segar. Aschia savein montar mintgamai ina bandiera el prau pertuccont. Entras il disturbi da quellas prendan las cauras ils anseuls ord il prighel. Annunzias saveis far tier il cau da tgira sut la numera 078 690 18 86 ni tier il guardiaselvaschina sut la numera 079 397 35 54.

Bien engraziament per Vossa collaboraziun.

*Uniun da catschadurs Péz Alpetta, il cau da tgira*

---